



**Volumen Epistolarum, Qvas Romani Pontifices, Gregorijs  
III., Stephanvs III., Zacharias I., Pavlvs I., Stephanvs IV.,  
Adrianvs et Pseudopapa Constantinus miserunt& reges  
Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ ad Domnum Carolvm Regem directaper  
Gausfridum Abbatem, in qua continetur de victoria ipsius prædicti Regis,  
& de Episcopis Pisano, & Lucano, vt ad proprias sedes atq[ue] ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

prospero nūtio & effectu causæ absoluere iubeatis. In-  
columem excellentiā vestrā gratia superna custodiat.

*Item exemplar Epistola ad Domnum Caro-  
lum Regem directa per \* Gausfridum Abbatem, in qua conti-  
netur de victoria ipsius pradioti Regis, & de Episcopis Pisano,  
& Lucano, vt ad proprias sedes atq; Ecclesias pro sua  
pietate remeare concederet.*

\* B. & C. C. P.  
Ausfridū.  
In marg.  
Bar. Ans-  
fridum.

## L V.

**D**OMNO excellentissimo filio Carolo, Regi  
Francorum, & Langobardorum, atq; Patricio  
Romanorum, Adrianus Papa. Reuersus à ve-  
stris à Deo dilectis regalibus vestigiis præsens Gausfri-  
dus habitator ciuitatis Pisanae; nostrisq; præsentatus  
obrutibus, retulit nobis de immensis victoriis, quas  
vobis omnipotens & redemptor noster Dñs Deus, per  
intercessionem B. Petri, principis Apostolorum, conce-  
dere dignatus est, sed & de vestra prosperitate nos cer-  
tos in omnibus reddidit. Quo audito, vehementi ex-  
ultationis lætitia noster in Dño ouans releuatus est a-  
nimus, & protinus, extensis palmis ad æthera, Regi Re-  
gum, & Dño dominantium opimas laudes retulimus,  
enixius deprecantes ineffabile eius diuinā clementiā,  
vt & corporis sospitatem, & animæ salutem vobis tri-  
buat, & multipliciter de hostibus victorias tribuat, om-  
nesq; barbaras nationes vestris substernat vestigiis.

Summ. 26.  
Bar. &  
Cent.

Et certè, crede nobis magne Christianissime Rex,  
bone præcellentissime fili, maximā habetō fiduciam,  
quia dū tu fideli studio in amore ipsius principis Apo-  
stolorum, secundum tuam promissionē, permanseris,  
& cuncta eidem Dei Apostolo adimplere studueris, &  
salus tibi & immensa victoria ab omnipotenti Deo tri-  
bustur indefinēter, & quidem nos Deum proferimus  
testem,

testem, cui omnium cordiū occulta referata existunt, ab illo tempore, die, quo ab hac Romana vrbe in illas partes profecti estis, cotidie momentaneis etiam atq; singulis horis, omnes nostri sacerdotes, seu etiam religiosi Dei famuli, monachi, per vniuersa nostra Monasteria, simulque & reliquus populus tam per titulos, quam per Diaconostrecentos, Kyrieleyson, extensis vocibus pro vobis Deo nostro ad clamandum non cessant, flexisque genibus eundem misericordissimū Dominum Deum nostrum exorantes, vt & veniam delictorum vobis, & maximam prosperitatis lætitiā etiam, & copiosas victorias vobis multipliciter è cælo concedat.

\* *Allonis*  
*Grassam*  
*rentio m-*  
*a Epist.*  
*65.*

Ipse retulit nobis siquidem Gausfridus, dum à vobis absolutus reuersus est, voluit eum interficere \* Allo Dux: Vnde dum vellet ipse Gausfredus ad vestra denuò reuerti vestigia, posuit exploratores atque infidiatores in itinere, qui eum interficerent. Quo cognito, apud nos refugium fecit, & dum se petisset ad vestra absolui vestigia, dum iam aderat, tum habuimus Anastasium nostrum Missum ad vestram excellentiam dirigendum, eum ad vestram præsentiam, cum ipso nostro Misso absoluiimus, quem petimus, vt pro amore B. Petri & nostra postulatione benignè suscipere, & protectionis atque fauoris vestri opem illi impertiri dignemini, deprecantes & hoc, vt \* massas illas, quas ei concessistis, per vestram auctoritatis largitatem possideat. Sed & hoc nimis quæsumus atq; postulamus benignitatem tuam, vt Episcopos illos, id est, ciuitatis Pisanae seu Lucanae Regij, ad proprias sedes atque Ecclesias, & plebes eis commissas absoluere iubetis reuerti, quia ita, bone Rex, excellentissime fili, ani-

\* *f. mansos*  
*illos.*

animæ tuæ expedit, vt ipsi Episcopi propriis sedibus restituantur, omnesque Dei Ecclesiæ suis præsulibus ornatae consistant, & cunctus Dei populus in magna lætitia vestris felicissimis temporibus degere valeat, vobisque hoc respiciat ad æternam mercedem; Nos itaq; firmi in vestra charitate permanentes ideo ea, quæ pertinere cognoscimus ad salutem animæ tuæ fiducialiter vos fatagimus deprecari, vt Deus noster omnipotens vestris semper placatus existat piis operibus, & copiosam vobis ex hoc in præsentis & futura vita tribuat remunerationem. Incolumem excellentiam vestram gratia superna custodiat.

*Item exemplar Epistolæ eiusdem Papæ, ad  
Domnum Carolum Regem directæ, in qua continetur de  
fide vel constantia ipsius Apostolici erga præ-  
dictum regem.*

## LVI.

**D**OMNO excellentissimo filio Carolo, Regi Francorum, & Langobardorum, atq; Patricio Romanorum, Adrianus Papa. Recordari vos credimus, excellentissime & à Deo protecte fili, & magne Rex, quomodo disposuistis vestros prudentissimos ac fidelissimos Missos, vt cum nostris pariter Missis pergerent ad suscipiendum in integro patrimonium nostrum Rauennense, quod pro vestræ animæ mercede, & venia delictorum B. Petro, protectori vestro, concedi iussistis. Dum verò nostri vestrique illuc pergerent Missi, inuenti sunt ibidem fidelissimi atque seniores testes, annorum plus minus centum, qui testificantes super altare, intus Ecclesiam sanctæ Dei Genitricis

*Summ. 2 fo.  
Bar. 6.  
Cent.*